

第〇二〇册

曆象彙編

歲功典

季夏部

季夏部
伏日部

秋部

孟秋部

立秋部

(卷)

萬一
卷

萬一
卷

萬一
卷

萬一
卷

萬一
卷

古今圖書集成

中華書局影印

欽定古今圖書集成曆象彙編歲功典

第五十四卷目錄

季夏部彙考

易經 天山遯卦

詩經 幽風七月章 小雅四月章

禮記 月令

爾雅 月陽

易通卦驗 小暑雲 大暑雲

孝經 鉤命決 時政

素問 診要經終論篇 藏氣法時論篇

汲冢周書 時訓解

陶朱公書 朔日占 西北風占

呂氏春秋 季夏紀音律篇

史記 律書

漢書 律歷志

淮南子 天文訓 時則訓 五位 六合

春秋繁露 五行逆順篇

大戴禮記 夏小正

後漢書 禮儀志 祭祀志

說文 未月

晉書 樂志

齊民要術 六月事宜

遼史 禮志

宋史 樂志

農政全書 季夏事宜 農事占候

迎生八牋 臘仙月占 六月事宜 六月事忌

廣四季食忌 六月行導引法

賞心樂事 六月

本草綱目 藥方

酌中志略 官中六月

直隸志書 宛平縣 香河縣 昌平州 房山縣 涿水縣 河間府 雄縣 鄭州 涿澤縣 饒陽縣 河間府 慶雲縣 鄭州 涿澤縣 晉州 饒陽縣 河間府 慶雲縣 鄭州 涿澤縣

山東志書 陽信縣 諸城縣 福山縣

山西志書 臨汾縣 夏縣 陽城縣 沁水縣 陽城縣 沁水縣

河南志書 陳留縣 侯封縣 陳州 寶豐縣

陝西志書 咸寧縣 富平縣 岐山縣 平涼縣

江南志書 嘉定縣 吳縣 崇明縣 長洲縣 常熟縣

浙江志書 杭州府 富陽縣 壽昌縣 龍泉縣 台州府 仙居縣 黃巖縣 臨海縣 黃巖縣 臨海縣

江西志書 武寧縣 德安縣 萬安縣 袁州府 都昌縣

湖廣志書 崇陽縣 廣濟縣 新寧縣 雲夢縣 漢陽府 漢陽縣 漢陽縣 漢陽縣

福建志書 惠安縣 建寧府 建寧府 建寧府 建寧府

四川志書 涪州 涪州 涪州 涪州 涪州

廣東志書 增城縣 增城縣 增城縣 增城縣 增城縣

廣西志書 上林縣 隆安縣

雲南志書 雲南府 呈貢縣 雲龍州 建水縣

廣西志書 上林縣 隆安縣

雲南志書 雲南府 呈貢縣 雲龍州 建水縣

廣西志書 上林縣 隆安縣

雲南志書 雲南府 呈貢縣 雲龍州 建水縣

廣西志書 上林縣 隆安縣

雲南志書 雲南府 呈貢縣 雲龍州 建水縣

廣西志書 上林縣 隆安縣

雲南志書 雲南府 呈貢縣 雲龍州 建水縣

廣西志書 上林縣 隆安縣

雲南志書 雲南府 呈貢縣 雲龍州 建水縣

歲功典第五十四卷

季夏部彙考

易經

天山遯卦

三三

本遯退避也二陰浸長陽當退避故為遯六月之卦也

詩經

幽風七月章

六月莎雞振羽

大陸氏曰莎雞如蝗斑色毛翅數重其翅正赤六月中飛而振羽索作聲

六月食鬱及苡

鬱棣屬莫蓂也

小雅四月章

六月徂暑

朱徂往也六月以夏至數之建未之月也

禮記

月令

季夏之月日在柳昏火中旦奎中其日丙丁其帝炎帝其神祝融其蟲羽其音徵律中林鍾其數七其味苦其臭焦其祀竈祭先肺

陳柳宿在午鶉火之次林鍾未律長六寸

溫風始至蟋蟀居壁鷹乃學習腐草為螢

陳此記未月之候

天子居明堂右个乘朱路駕赤駟載赤旂衣朱衣服赤玉食菽與雞其器高以粗命漁師伐蛟取鼈登龜

赤玉食菽與雞其器高以粗命漁師伐蛟取鼈登龜

取龜命澤人納材葦

陳明堂右个南堂西偏也蒲葦生澤中可爲用器

故曰材

是月也命四監大合百縣之秩芻以養犧牲令民無

不咸出其力以共皇天上帝名山大川四方之神以

祠宗廟社稷之靈以爲民祈福

陳四監卽周官山虞澤虞林衡川衡之官前言百縣兼內外而言此百縣鄉遂之地也秩芻也用有

常數故云秩芻

是月也命婦官染采黼黻文章必以法故無或差貸

黑黃倉赤莫不質良毋敢詐僞以給郊廟祭祀之服

以爲旗章以別貴賤等給之度

全方氏曰凡此順文明之時故染文明之色爾

是月也樹木方盛命虞人入山行木毋有斬伐

陳以其方盛故也

不可以典土功不可以合諸侯不可以起兵動衆毋

舉大事以搖養氣毋發令而待以妨神農之事也水

潦盛昌神農將持功舉大事則有天殃

陳大事卽典土功合諸侯起兵動衆之事搖養氣

謂動散長養之氣也發令而待謂未及徭役之期

而豫發名役之令使民廢已事而待上之會期也

神農季夏土神得位用事之時謂之神農者土神

主成就農事也神農將主持稼穡之功舉大事而

傷其功則是干造化施生之道

是月也土潤溽暑大雨時行燒薙行水利以殺草如

以熱湯可以糞田疇可以美土疆

陳溽濕也土之氣潤故蒸鬱而爲濕暑大雨亦以

之而時行除草之法先芟薙之俟乾則燒之燒薙

者燒所薙之草也大雨旣行於所燒之地則草不

復生矣故云利以殺草時暑日烈其水之熱如湯

草之燒爛者可以爲田疇之糞可以使土疆之美

凡土之磊塊難耕者謂之疆

季夏行春令則穀實鮮落國多風教民乃遷徙行秋

令則丘隰水潦禾稼不熟乃多女災行冬令則風寒

不時鷹隼蚤鷙四鄙入保

陳鮮落鮮潔而墮落風教因風而致效疾也

中央土其日戊己其帝黃帝其神后土

陳土寄旺四時各十八日共七十二日除此則木

火金水亦各七十二日矣土於四時無乎不在故

無定位無專氣而寄旺於辰戌丑未之末未月在

火金之間又居一歲之中故特揭中央土一令於

此以成五行之序黃帝黃精之君軒轅氏后土土

官之臣顓頊之子黎也句龍初爲后土後祀以爲

社后土官闕黎雖火官實兼后土也

其蟲保其音宮律中黃鍾之宮其數五其味甘其臭

香其祀中霱祭先心

陳人爲保蟲之長鄭氏以爲虎豹之屬宮音屬土

又爲君故配之中央黃鍾本十一月律諸律皆有

宮音而黃鍾之宮乃八十四調之首其聲最尊而

大餘音皆自此起如土爲木火金水之根本故以

配中央之土土寄旺於四時宮音亦冠於十二律

非如十二月以候氣言也天五生土地十成之四

時皆舉成數此獨舉生數者四時之物無土不成

四者成則土無不成矣甘香皆屬土古者陶復陶

穴皆開其上以漏光明故雨霤之後因名室中爲

中霱亦土神也祭先心者心居中君之象又火生

土也

天子居太廟太室

陳中央之室也

乘大路駕黃駟載黃旂衣黃衣服黃玉食稷與牛其

器絜以絜

陳絜者象土之周匝四時絜者寬廣之義象土之

容物也

爾雅

月陽

六月爲且

易通卦驗

小暑雲

小暑雲五色出

大暑雲

大暑陰雲出南赤北蒼

孝經鉤命決

時政

季夏政不失地無苗

素問

診要經終論篇

五月六月天氣盛地氣高人氣在頭

注生長之氣從地而升故肝而脾脾而直上於巔

頂歲六甲而以五月六月在頭者止論五藏也故

曰奇恆五中又曰章五中之精按奇恆之道論五

藏之神氣五藏者三陰之所主也人氣在頭者厥陰與督脈會於巔與五藏合而為三陰也三陰之氣乃少陽相火所主相火即厥陰包絡之火也

藏氣法時論篇

脾主長夏足太陰陽明主治其日戊己脾苦濕急食苦以燥之

注長夏六月也謂火土相生之時足太陰主己土

陽明主戊土二經相為表裏而主治其經氣戊為陽土己為陰土位居中央脾屬陰土喜燥惡濕苦乃火味故宜食苦以燥之

汲冢周書

時訓解

小暑之日溫風至又五日蟋蟀居壁又五日鷹乃學習溫風不至國無寬教蟋蟀不居壁急迫之暴鷹不學習不備戎盜大暑之日腐草化為螢又五日土潤溽暑又五日大雨時行腐草不化為螢穀實鮮落土潤不溽暑物不應罰大雨不時行國無恩澤

陶朱公書

朔日占

朔日值大暑人多疾遇甲歲多饑風雨主米貴西北風主七八月內水橫流

西北風占

六月初八西北風驚動海中龍

呂氏春秋

季夏紀音律篇

林鍾之月草木盛滿陰將始刑無發大事以將陽氣
注林鍾六月刑殺也夏至後四十六日立秋故曰

陰氣將始殺也發起將猶養也
史記

律書

涼風居西南維主地地者沈奪萬物氣也六月也律中林鍾林鍾者言萬物就死氣林林然其於十二子為未未者言萬物皆成有滋味也
漢書

律歷志

林鍾林君也言陰氣受任助蕤賓君主種物使長大
林盛也位於未未六月

注師古曰種物種生之物林古茂字

淮南子

天文訓

夏至加十五日斗指丁則小暑音比大呂加十五日指未則大暑音比太簇

林鍾之數五十四主六月上生太簇

太陰在酉歲名曰作鄂歲星舍柳七星張以六月與之晨出東方須女虛危為對

時則訓

季夏之月招搖指未昏心中且奎中其位中央其日戊己盛德在土其蟲羸其音宮律中百鍾其數五其味甘其臭香其祀中霤祭先心涼風始至蟋蟀居奧鷹乃學習腐草化為螢天子衣苑黃乘黃驪服黃玉建黃旗食稷與牛服八風水鑿柘燧火中宮御女黃色衣黃采其兵劍其畜牛朝於中宮乃命漁人伐蛟取鼈登龜取龜令滂人入材革命四監大夫令百縣之秩芻以養犧牲以供皇天上帝名山大川四方之

神宗廟社稷為民祈福行惠令甲死問疾存視長老行糈饗厚席蓐以送萬物歸也命婦官采鞠獻文章青黃白黑莫不質良以給宗廟之服必宜以明是月也樹木方盛勿敢斬伐不可以合諸侯起土功動衆興兵必有天殃土潤溽暑大雨時行利以殺草糞田疇以肥土疆季夏行春令則穀實解落多風飢民乃遷徙行秋令則丘隰水潦稼穡不熟乃多女災行冬令則風寒不時鷹隼蚤擊四鄙入保六月官少內其樹梓

五位

中央之極自崑崙東絕兩極山日月之所道江漢之所出衆民之野五穀之宜龍門河濟相貫以息壤埋洪水之州東至於碣石黃帝后土之所司者萬二千里其令曰平而不阿明而不苛包裹覆露無不豐懷溥汎無私正靜以和行糈饗養老衰甲死問疾以送萬物之歸

六合

季夏與季冬為合季夏德畢季冬刑畢故六月失政十二月草木不脫

春秋繁露

五行逆順篇

土者夏中成熟百種君之官循宮室之制謹夫婦之別加親戚之恩恩及土則五穀成而嘉禾興恩及保蟲則百姓親附城郭充實賢聖皆遷仙人降如人君好姪佚妻妾過度犯親戚侮父兄欺罔百姓大為臺榭五色成光雕文刻鏤則民病心腹宛黃舌爛痛咎及於土則五穀不成暴虐妄詠咎及保蟲保蟲不為

百姓叛去賢聖放亡
大戴禮記

夏小正

六月初昏斗柄正在上五月大火中六月斗柄正在上
用此見斗柄之不在當心也蓋當依依尾也黃桃
桃也者桃桃也地桃也者山桃也黃以為豆實也鷹
始擊始擊而言之何也諱煞之辭也故擊云
後漢書

禮儀志

季夏衣黃郊其禮祠特祭竈
先立秋十八日郊黃帝是日夜漏未盡五刻京都百
官皆衣黃

祭祀志

先立秋十八日迎黃靈於中兆祭黃帝后土車旗服
飾皆黃歌朱明八佾舞雲翹育命之舞
注月令章句曰中兆去邑五里因土數也 魏氏
繆襲議曰漢有雲翹育命之舞不知所出舊以祀
天今可兼以雲翹祀圓丘兼以育命祀方澤

說文

未月

未味也六月滋味也五行木老於未象木重枝葉也
晉書

樂志

六月之辰謂之未未者味也言時萬物向成有滋味
也
六月之管名爲林鍾林者林茂也謂時物茂盛於野
也

齊民要術

六月事宜

六月命女工織織練綴細及紗可燒灰染青紺雜色
遼史

禮志

歲時雜儀六月十有八日國俗耶律氏設宴以延國
舅族蕭氏亦謂之押里尉
宋史

樂志

季夏之月御明堂右个樂以林鍾爲宮南呂爲商應
鍾爲角大呂爲閏徵太簇爲徵姑洗爲羽蕤賓爲閏
宮調宣尚宮以致其和
農政全書

季夏事宜

季夏之月斫竹不蛀
扦插 楊柳
栽種 小蒜 冬蔥 油麻宜日 白莖秋葵 葵
菜 林檎 蘿蔔 菜豆 葫蘿蔔 晚瓜 蔓

菁
收藏 米麥醋 三黃醋 豆豉 醬瓜 瓜乾
割麻 紫草 綿絲 楮實 白木 雨衣 麻
皮 麵宜伏 七寶瓜 酒藥 鯨魚 槐花

二麥 椒
雜事 洗甘蔗 鋤竹園地 染水藍 斫柴 培
灌櫻橘 做冰梅 打炭塹 打糞塹 耘稻

耕麥地 鋤芋
是月飯不餽法用生莧菜薄鋪在上蓋之過夜則不

致餽壞

農事占候

六月初一刺雨夜夜風潮到立秋 六月蓋夾被
田裏不生米 六月西風吹過草八月無風秕子稻
處暑雨不暹白露相相逢 三伏中大熱多必多
雨雪 螳螂蟬叫稻生芒 六月有水謂之賊水言
不當有也 小暑日晴雨亦要看交時最緊 六月
初三日略得雨主秋早收稻蘇秀人云此日略得
雨則西山及南海不斫簪竿 初三日雨難稿稻諺
云六月初三晴山簪盡枯零六月初三一陣雨夜夜
風潮到立秋 小暑日雨名黃梅顛倒轉主水東南
風及成塊白雲起至半月船棹風水退兼旱無南
風則無船棹風水卒不能退諺云船棹風雲起早魃
精空歡喜仰面看青天頭中落在麻坵裏東坡詩云
三時已斷黃梅雨萬里初來船棹風正此日也 諺
云六月不熱五穀不結老農云三伏中稿稻天氣又
當下墮時最要晴晴則熟故也又云六月蓋夾被田
裏無張屁言涼冷則雨多雨多則水大沒田無疑矣
又云伏裏西北風臘裏船不通主冬冰堅秋稻秕又
云六月無蠅新舊相登米價平 夏秋之交稿稻還
水後喜雨諺云夏末秋初一刺雨賽過唐朝一國珠
言及時雨絕勝無價寶也 諺云秋前生蟲損一莖
發一莖秋後生蟲損了一莖無了一莖螟螣蝻賊是
也
遵生八牋
臘月占
六月行秋令主多女災

六月事宜

孝經緯曰夏至後十五日斗指午爲小暑後十五日斗指未爲大暑小大者就極熱之中分爲大小初後爲小望後爲大也律林鍾林者衆也萬物成熟種類衆多

元樞曰是月天道東行作事出行俱宜向東吉其月遇土王戊日祭中霽之神

是月宜飲烏梅醬木瓜醬梅醬豆蔻湯以祛渴養生雜纂曰老人氣弱當夏之時納陰在內以陰弱之腹當肥冷之物則多成泄瀉一傷真氣卒難補復不宜燥熱補藥惟用平補溫和之劑如八味丸之類以助元氣

雲笈七籤曰六月六日沐浴齋戒絕其營俗

又曰是月二十七日取枸杞煎湯沐浴至老不病關西舊俗志曰六月六日取水收起淨甕盛之一年不臭用以作醋醬醃物一年不壞

真誥曰十九日廿四日拔白永生又云初三初四十八廿八日拔白亦可

四時纂要曰是月初一日初七初八二十一日沐浴去疾禳災

山居四要曰養魚池中是月宜納二神守以護魚神即今之團魚也

又曰治水瀉百病用烏蘭子六月六日同麵炒黃等分爲末米飲調服二錢

瑣碎錄曰宜食苦實可益心氣

家塾事親曰西瓜性溫熱者可食解暑名曰虎湯千金月令云是月可食烏梅醬止渴方用烏梅搗爛

加蜜適中調湯微煮飲之水瀉渴者以梅加砂糖薑米飲之不渴

便民圖纂曰六月六日用井花水以白鹽淘於水中作酒新鍋仍煎作白鹽以此鹽擦牙畢以水吐手心內洗眼雖老翁能燈下讀書

救民易方曰六月六日採稀荇草即白花菜是也去根花并子淨用荇葉入甑九蒸九曝層層酒酒與蜜水蒸完極香爲末蜜九皂角子大每服五七丸米湯下服至百日去周身癢疾風疾口眼歪斜涎痰壅塞久臥不起又能明目白髮變黑筋力強健效不可言濟世仁術曰六月極熱可用扇急扇手心則五體俱涼

靈寶經曰六月六日宜修清暑齋

六月事忌

月令曰六月選用日時不宜用未犯月建百事不利初一日忌經營初二十日忌交易裁衣

優詒戒曰六月六日忌取土開掘

雲笈七籤曰六月二十四日忌遠行水陸俱不可往又曰六月勿食羊肉傷人神魂少志健忘勿食生菜必成水瘕且爲犬嚙終身不瘥

四時纂要曰是月勿飲山澗澤水令人患瘕

千金方曰勿食韭令人目昏勿食羊肉傷人神氣勿食野鴨鴛鴦烏食馬勿食菜菓勿食脾乃是季月土旺在脾故也俱宜戒之

瑣碎錄曰暑月不可露臥勿沐浴當風慎賊邪之氣使人

又曰暑變瘧大日曬熱不可即取盛裝飲食恐收暑

氣

又曰其月無冰不可以凉水陰冷作冰飲水熱生涎者勿飲能殺人

元樞經曰是月勿斬伐草木勿動土勿舉大事以搖養氣

養生仁術曰勿專用冷水浸手足防引起狂邪之風犯之令人瘋病體重氣短四肢無力

食治通說夏月不宜飲冷何能全斷但勿宜過食冷水與生硬果油膩甜食恐不消化亦不宜多飲湯水人能自慎省食煎炒鹽臘炙煔之物自然津液常滿何必戒飲

便民纂曰途中一時中暑身死者勿可用冷水灌沃

急就道上取熱土填於死者臍上成堆片刻發開作一孔令人撒尿澆入臍孔次用生薑大蒜搗爛熱湯送下即活

楊公忌曰初三日不宜問疾

六月修養法

季夏之月發生重濁主養四時萬物生榮增鹹減甘以資腎臟是月腎臟氣微脾臟獨旺宜減肥濃之物益固筋骨卦值遯遯者避也二陰浸長陽當避也君子莊矜自守生氣在已坐臥宜向南方

孫真人曰是月肝氣微弱脾旺宜節約飲食遠聲色此時陰氣內伏暑毒外蒸縱意當風任性食冷故人多暴泄之患切須飲溫醞不令太飽時飲粟米溫湯豆蔻熟水最好

內丹秘訣曰建未之月二陰之卦是陰氣漸長喻身中陰符離去午位收斂而下降也

修養脾臟法

當以夏季之月朔旦并三季後十八日正坐中宮禁氣五息鳴天鼓二十四通吸坤宮黃氣入口十二吞之以補呼之損也

注鳴天鼓者以兩手抱腦後用中食二指起復互換各二十四下

脾臟四季食忌

六月勿食吳茱萸令人患赤白痢四季勿食脾肝羊血脾病宜食米粟葵菜酸味

六月行導引法

可大伸一脚以兩手向前反擊三五度又跪坐以兩手據地回視用力作虎視各三五度能去脾家積聚風邪毒氣又能消食

賞心樂事

六月
現樂堂南白酒 樓下避暑 蒼寒堂後碧蓮 碧宇竹林避暑 芙蓉池賞荷花 約齋夏菊 清夏堂新荔枝 霞川食桃

本草綱目

藥方

六月六日采馬齒莧曬乾元旦煮熟同鹽醋食之可解疫癘氣
方驗
六月六日取黃瓜入磁瓶中水浸之每以水掃杖瘡歟腫者有效
凡小兒每年六月六日照年歲吞皂莢子可免瘡癩之患大人亦可吞七枚或二十一枚
酌中志略

宮中六月

六月初六日皇史成古今通集庫變駕庫曬晾直隸志書各省風俗同者不載

宛平縣

六月六日曬變駕民間衣服悉曝之是月海淀蓮甚盛就蓮而飲者採蓮而市於城者絡繹交錯焉

香河縣

六月六日舊時農家以土穀神掛於地頭名曰掛地頭儲水造麵醃瓜家家曝衣

昌平州

季夏月六日汲水作醬所謂伏醬土曝書農曝麥女曝衣

房山縣

六月六日各家蓄水久之不壞以此水和麵作麩造酒極美

永平府

季夏月六日熱五穀收冷多雨以水煎鹽擦牙洗目大暑忌朔小暑忌雨初旬有三日祭龍王廟至望祭風王廟

雄縣

六月六日南浦菱芡既登荷花亦盛民拉朋攜妓畫船簫鼓竟日忘返搢紳或亦掉舟觴咏泊柳堤聽漁唱陶然自適迨連仲秋後已

祁州

六月如遇天旱婦人洗箕於河求雨澤

深澤縣

六月十三日祭龍母用紙作小旗插田邊謂田祖至

謂之迎豐

涿水縣

六月種黍蕎

河間府

季夏六日熱收五穀冷必多雨無不立應

慶雲縣

六月六日農家挂紙錢田間占候此日雨殺蟲

真定縣

六月六日以壺漿奠先墓

晉州

六月六日造麪

饒陽縣

六月甲申雨主米貴小暑東風主霜早收成南風主人民有損西風主刀兵北風主來年收麥大暑東風主天下刀兵南風主天下紅西風主天下紅北風主百姓刀臨刑

邢臺縣

六月六日上墳薦新麥

鉅鹿縣

六月六日地挂紙錢祈穀

內丘縣

六月二十四日燃香於三耶廟

山東志書

陽信縣

小暑六月節農事殷大暑六月中執耨種蘿荷

諸城縣

六月十三日俗謂小龍王生日每落雨

福山縣

六月六日薦瓜懸鳳眼草於竈辟蠅

山西志書

臨汾縣

六月六日祀無佞侯

夏縣

六月初一日祀五龍神初六日祀城隍土地神

陽州

六月六日三皇廟祭神農

潞安府

六月六日牧養之家祀享於羊馬牧中

長子縣

六月六日鄉民爭獻牲於三巖之廟是日殺豕者以數十百計有牛羊者又各享於畜牧之神

介休縣

六月二十四日闔學東郊外供關夫子

臨縣

六月初六日女人採鳳仙花染指甲十八日祭黑龍廟

廟

靈丘縣

六月初三日爲南岳府君聖誕士民祭祀惟謹四方商賈皆至邑之人終歲日用所需以及男女婚嫁叙裙衣帕之飾皆於此日置辦市易三日歲以爲常

河南志書

陳留縣

六月初六日炒麵奠先以報成始

儀封縣

六月六日侵早取黃河水荷葉露踏鞠

陳州

六月六日取麥麵炒拌鹽糖食之曰除腹痛及痢

襄城縣

六月六日亦有上墳澆湯者

唐縣

六月六日鄉村有土地之祭

羅山縣

六月六日簪榴賞蓮

郊縣

六月六日持乾餅詣拜先塋爲獻時食

寶豐縣

六月六日以粥湯週澆先墳謂之獻湯

陝西志書

咸寧縣

六月六日以麵湯新果祀祖先更以麵蒸果形薦之

富平縣

六月六日各拜墳墓取五更時水作麪曰壓麪

岐山縣

六月六日母家授新嫁女以單衣謂之辟涼

平涼府

六月六日以酒漿祭墓是月菊花開大雷雨杏實瓜瓠茄半麥宛豆胡豆大登間以耘農大急麥豆既登倉情農露積雨生芽乃饑卉之秋實者盡華宦羅川播收或覆治來麥豆地爲秋播來麥之基種蘿蔔桑樵宇樹至秋高三尺民情且畏輪稅莫之蓄

江南志書

句容縣

六月六日啜鱸羹

吳縣

六月十九日爲觀音成道進香支砌

長洲縣

六月初不宜雨諺云初一落雨井泉枯初二落雨井泉浮初三落雨連太湖小暑日若東南風及成片白雲起則有船棹風主退水兼主旱蘇東坡詩三時已斷黃梅雨萬里初來船棹風二十四日遊荷花蕩

常熟縣

六月二十四日賞荷西則湖田東則戈莊華匯遊舫頗多

嘉定縣

六月六日膾肉裹麵作匾食食之俗呼餛飩是日洗頭髮滌梳具初八忌西北風諺云六月初八西北風驚動海中龍七月水弗大八月定登賀

崇明縣

六月六日食油攤用麪爲餅中投各穀念四日爲雷公誕辰各執紙旗燈燭詣廟禮拜

松江府

小暑日雷主雨水多諺云小暑一聲雷翻轉作黃梅

金壇縣

六月六日作醋謂之六月紅

高郵州

六月初三日雨主風潮多

通州

蓮誕日避暑觀蓮

潯山縣

六月六日男女多蓄髮

太湖縣

六月六日俗亦以爲節召集賓客燕飲或以雞子暴日中曬熟則謂之吉以占時之正也

宿松縣

六月六日祀田祖標格於田俗云青苗福是日爲漢令張何丹忌辰修廟祀祈雨

休寧縣

六月朔不宜值節小暑大水大暑人殃三句俱不宜壬子諺云六月壬子過大水浸黃禾占風南風主多旱乾風動壞稼是月振豆種粟早禾登下蕎麥

銅陵縣

六月初十日祝靈祐王誕有司詣銅官山廟祝祭各鄉建廟者迎王及諸神賽會

懷遠縣

季夏之月六日曬衣曝書以是日之陰晴占秋成之早澇

虹縣

六月六日飲伏酒

浙江志書

杭州府

六月六日宋真宗以天書再降遂爲天貺節是日多曬經史字書衣服裘褐之類洗六畜街市施茶至七月止是月以後人多出城納涼北自斷橋以至西冷南到學士港以至邵王墳荷花盛開輕盈出水時取荷葉注酒窺其心曲其柄屈草輪囷如象鼻然喻而

飲之放舟蒲深柳密處披襟釣水月上始還

富陽縣

六月二十四日夕祀竈用飴糖米團并祀土神

海鹽縣

六月十九日福業寺作觀音大士會禱賽者每二步一拜至像前獻供

台州府

六月六日老者食雞粥謂時極陰以補陽云

東陽縣

六月六日士女勤者取書籍衣服暴之庭六月六開書錄六月六檢箱服皆諺語之可聽者也農家於是日祀穀神謂之六六福蓋亦祈穀報賽之意

嚴州府

六月之朔家家以牲醴祈禱亦有連里共舉者謂之保平安

龍泉縣

六月初一日有風雨米貴人憂其日值夏至急備米穀必大荒值大暑人多殃其日小暑山崩河不流月內虹見麻貴豆平月內月蝕旱火災晦日有風米貴菜賤是月辰日雨百蟲生未日雨百蟲死甲子庚辰辛巳日雨蝗蟲死有雷亦同是月行春令穀實鮮落人多風致行秋令水潦婦女災

江西志書

武寧縣

俗傳夏盡有乾風起則損稼日出而雨則生蟲

寧州

俗呼六月爲茄花寒

德興縣

六月六日童女沐髮始收早稻種豆麥木棉苧麻諸蔬

都昌縣

六月十八日俗有陶神過街之例各鄉神像畢集以導各居民俱以香燭迎之

德化縣

六月六日邑民設會爲城隍慶生

萬安縣

六月六日各庵曬經大會

袁州府

仰山在城南八十里周迴數百里高聳萬仞上有雪谷潭水極冷雖盛夏不可濯龍所處也絕頂爲集雲峯夏時雲氣覆頂則雨立至

湖廣志書

崇陽縣

六月六日謂天貺節農家酒食釀田祭都官土地之神

大冶縣

六月六日城隍生日蓋緣古者始築城之期民聚神祠賽會上壽

雲夢縣

六月小暑日雨曰倒梅土人以此驗山漲之大小初六日病有宜鍼灸者治之效

蕪水縣

六月六日俗以爲半年福頗重之

廣濟縣

六月初二日祀費龍君列市

石首縣

六月六日爲清暑之節農家觀此日陰晴以占牛草之貴賤二十六日俗謂穀王生日爭觀風之南北以占歲之豐歉是月採新穀宰子雞名曰嘗新先以雞黍報賽田神

長沙府

黃陵廟在湘陰縣北漢荊州牧劉表建以祀舜二妃之神每歲六月六日致祭是日城市各設醮釀焚至晚合釀盡歡或演戲爲樂

瀏陽縣

六月六日鉞灸取諸藥

邵陽縣

六月六日雨禾苗多生蟲

新寧縣

六月六日鄉人買牲迎田祖謂之六日節

衡州府

六月早稻熟多有食新者試新之日忌招客穀用魚不用雞以魚音近餘雞音近饑也

永州府

六月六日謂之半年節以酒穀祀家廟

寧遠縣

六月十二日無北風則不害稼

新田縣

六月炎氣如太盛不惟有害田疇且山嵐瘴氣人民多疾宜避暑是月早稻熟家家試新禁宰雞鴨恐犯耗神

永定衛

六月六日祀社以祈穀祀廟神以禳疫

惠安縣

六月十二日常有北風農人最忌之是日無風則不害稼極準

建寧府

小暑與小寒相應晴則俱晴雨則俱雨大暑宜雨主晚禾熟

建陽縣

六月初六晴人家作醋及製各物不蛀初一日起至十九日止男女各赴如是庵焚香自此會起而各鄉之會相接沿集至十一月廣賢墟會止販物諸夫始散

歸化縣

六月初五迎惠利夫人袍帶初九迎夫人之東郊初十仍迎東郊易馬而回俱遊遍街衢乃還廟十一日爲夫人誕辰縣官躬詣致祭

建寧縣

六月六日灑水至溫浴小兒謂不生瘡

詔安縣

海上廳信六月十二日爲彭祖誕十八日爲彭祖婆誕二十四日爲洗炊籠廳自十二日起至二十四日止皆係大廳旬

涪州

六月農人耨秧去稗鋤草以養佳禾二十四日涪人

祭川主之神其神名李冰乃昔時蜀郡太守也與民利以惠民逝而爲神蜀人建祠祀之迄今村落中皆有石廟二十四日乃誕辰也故祭之每遇旱年禱雨立應

峨眉縣

六月六日田家賽青苗土地祀畢即以祭肉犒服田之人謂之洗泥

廣東志書

增城縣

六月十二日俗謂之彭祖忌天多風雨

曲江縣

六月六日鄉民宰牲榨粉迎神作樂以慶禾稼初登

乳源縣

六月六日早稻穫家祀土神即田園蔬圃以香紙爲表祭夏至後遇辰日俗云分龍是日其鄉有陰雨色不勝喜謂今歲此地可免旱憂六月十六日本縣城隍誕陰陽官著各鄉老擡各土神詣廟朝賀金鼓開神爲慶

英德縣

六月六日各鄉堡以鼓吹迎神俗謂之禳災

南雄府

六月清暑日漿田鄉有白馬神會殺牛迎祭謂之牛神會費特侈

始興縣

六月瓜熟

長樂縣

季夏之月黃梨熟棗赤早穀穫種晚稻

石城縣

六月各鄉農斂錢以禳蝗十二日前後大風雨俗謂彭祖忌

澄邁縣

六月農工方急謂之農忙

定安縣

六月收割小熟作客取檳榔玉爲貨

廣西志書

上林縣

六月六日爲青苗會祀田公田母以祈有年

隆安縣

六月早禾實場始登芝麻收荔枝波羅裹子熟民冒暑雨棘于耘歌曰鋤禾日當午汗滴禾下土誰知盤中餐粒粒皆辛苦諺云年逢六月六家家饒雨足

雲南志書

雲南府

六月朔日至六日禮南斗祈年

呈貢縣

舊習六月二十四日各村人多聚於繡毬山角力跌交爲樂二十五日城內跑馬爲戲

雲龍州

季夏二十五日走馬街衢暮然松炬於庭陳生肉燒酒會親朋釀飲相傳爲弔阿南或以火照田占歲名爲星回節俗曰火把節童子數十成羣挾籃盛松末逢人然火撲之尊貴不避謂之祓災

按阿南葉榆人漢元封間其夫曼阿娜爲漢將郭世忠所殺欲娶之南於是日張松幕置火其下抽

刀出俟火熾盛乃焚夫衣自引刀斷身赴火國人哀之每歲以是日然炬聚會爲弔 又南詔欲併五詔以是日誘會於松明樓將焚殺之鄧賧詔妻慈善測其謀勸夫勿赴夫不從以鐵釧約夫臂既而果被焚善認釧得夫骸歸葬南詔聞其賢欲娶之善閉城死節國人以是日然炬弔之

建水州

六月中旬經管義倉紳士請於府州將去冬所餘倉米罄給通郡饑寡窮民二十五日村落以炬插田設牲醴致禱即詩田祖有神秉畀炎火之意

阿迷州

六月十二日念四日食用豕富用牛名曰獻天

蒙自縣

六月二十四日有剝生之俗剝生者以雞豕魚肉生斫縷絲雜之鮮蔬和椒桂而噉之其名曰生蓋古人斫膾之遺法也

楚雄府

六月二十五日爲星回節然松炬於街衢釀飲相傳孔明以是日擒孟獲侵夜入城父老設燎以迎後遂相沿成俗

鶴慶府

青元洞門有石柱頂上有孔兩壁生莓苔如繡錯上垂石乳懸綴奇巧居人歲以六月二十六日薰火入洞以遊

欽定古今圖書集成曆象彙編歲功典

第五十五卷目錄

季夏部藝文一

津城門銘

大暑賦

暑賦

大暑賦

大暑賦

林鍾六月啓

季夏部藝文二

夏夜呈從兄散騎車長沙

晚夏

夏晚

夏晚尋于政世置酒賦韻

酬蘇員外味道夏晚寓直省中見贈

六月三十日水亭送王少府

夏日登鶴巖偶成

書院無曆日以詩代書問六月大小

六月

季夏

香山避暑

晚夏歸別業

六月

季夏逢朝客

六月十三日上陳徵博士

唐彥謙

後漢李尤

魏陳思王

繁欽

王粲

晉夏侯湛

梁昭明太子

宋顏延之

梁徐勉

隋薛道衡

陳子良

唐沈佺期

岑參

戴叔倫

李益

鄭榮

范燈

白居易

張祐

趙璜

于漬

唐彥謙

六月十七日名對

六月六日雨後過嶽廟遊從封寺觀稼

西湖

六月二十日渡海

六月二十七日望湖樓

夏季

六月五日池上

自梅趣汀行小路境坳危甚六月十一日宿金沙寺

夏夜

六月七日夜起坐殿廡取涼

六月一日曉賦

六月十五日詣水公庵雨作

夏日

六月歸途

大熱

乙酉六月十一日雨

季夏書事

山中景

六月六日避暑佛殿讀書

夏夜獨坐披襟當風頗有秋意賦此寄懷

六月賣雪

清平樂

浪淘沙

季夏部選句

季夏部紀事

歲功典第五十五卷

季夏部藝文一

津城門銘

大暑賦

炎帝掌節祝融司方義和按轡南雀舞衡蛇折鱗於靈窟龍解角於皓蒼遂乃溫風赫戲草木垂幹山折海沸沙融礫爛飛魚躍渚潛龜浮岸鳥張翼而近樓獸交遊而雲散於時黎庶徙倚基布葉分機女絕綜農夫釋耘背暑者不羣而齊跡向陰者不會而成羣於是大人遷居宅幽綏神育靈雲屋重構開房肅清寒泉涌流元木奮榮積素冰於幽館氣飛結而為霜奏白雪於琴瑟朔風感而增涼

暑賦

暑景方徂時惟六月大火飄光炎氣酷烈翁翁盛熱蒸我層軒陰風渙渙動靜增煩雖託陰宮罔所避旃粉扇靡效宴戲渺歡庶室秋節慰我愁歎

大暑賦

王粲

後漢李尤

魏陳思王

魏陳思王

魏陳思王

魏陳思王

魏陳思王

魏陳思王

魏陳思王

魏陳思王

魏陳思王

魏陳思王

魏陳思王

魏陳思王

魏陳思王

魏陳思王

魏陳思王

惟林鍾之季月重陽積而上升喜潤土之溽暑扇溫風而至與或赫熾以瘴炎或鬱律而熯蒸獸狼望以倚喘鳥垂翼而弗翔根生苑而焦炙豈含雪而能當遠昆吾之中景天地翕其同光征夫瘁於原野處者困於門堂患衽席之焚灼譬洪爐之在牀起屏營而東西欲避之而無方仰庭槐而嘯風風既至而如湯氣呼吸以怯短汗雨下而霑裳就清泉以自沃猶渙忽而不涼體煩如以於悒心悶而窘惶於是帝后順時幸九畹之陰岡託甘泉之清野御華殿於林光潛廣室之邃宇激寒流於下堂重屋百層垂陰千廡九闔洞開周帷高舉堅冰常食寒饌代敘

大暑賦

晉夏侯湛

惟青春之謝兮接朱明之季月何太陽之赫曦乃鬱陶以興熱於是大呂統律祝融紀節蒸澤外熙太陰內閉若乃三伏相仍徂暑彤彤上無纖雲下無微風扶桑絕其增熾天氣煜其南升爾乃土墳墜垢谷枯川竭寒泉潛沸冰井騰沫洪液蒸於單簟兮珠汗霑乎絺葛溫風翕其至今若灑湯於玉質沃新水以達夕振輕寢以終日

林鍾六月啓

梁昭明太子

三伏漸終九夏將謝螢飛腐草光浮蟬裏之書蟬噪繁柯影入機中之鬢濯枝遷而游溢芳樅茂而發榮山土焦而流金海水沸而漂爍敬想足下藏形月府遁跡冰牀披莊子之七篇逍遙物外玩老聃之兩卷恍惚懷中但某白社在人青細末學不從州縣之職聊立松篁之間時假德以爲鄰或借書而取友三千年之獨鶴暫逐鷄羣九萬里之孤鵬權滑燕侶既非

得意正可忘言諸不具仲應侯面會

季夏部藝文二 詩詞

炎天方埃鬱暑晏閑塵紛獨靜閑偶坐臨堂對星分側聽風薄木遙睇月開雲夜蟬當夏急陰蟲先秋聞歲候初過半荃蕙豈久芬屏居惻物變慕類抱情殷九逝非空思七襄無成文

朱顏延之

晚夏

梁徐勉

夏景厭房櫳促席玩花葦荷陰斜合翠蓮影對分紅此時避炎熱清樽獨未空

夏晚

隋薛道衡

流火稍西傾夕影遍層城高天澄遠色秋氣入蟬聲

夏晚尋干政世置酒賦韻

陳子良

聊從嘉遯所酌醴共抽簪以茲山水地畱連風月心長榆落照盡高柳暮蟬吟一返桃源路別後難追尋
酬蘇員外味道夏晚寓直省中見贈

唐沈佺期

並命登僊閣分曹直禮闈大官供宿膳侍史護朝衣卷幔天河入開窓月露微小池殘暑退高樹早涼歸

冠劍無時釋軒車待漏飛明朝題漢柱三署有光輝

六月三十日水亭送王少府

岑參

亭晚人將別池涼酒未酣關門勞夕夢倦掌引歸驂荷葉藏魚艇藤花冒客簪殘雲收夏暑新雨帶秋風賴茲庭戶裏別有小江潭

夏日登鶴巖偶成

戴叔倫

天風吹我上層岡露灑長松六月涼願借老僧雙白鶴碧雲深處共翱翔

書院無曆日以詩代書問六月大小

李益

野性迷堯曆松廳有道經故人爲柱史爲我數階莢

六月

鄭槩

憶長安六月時風臺水榭遂迤朱果雕籠香透分明紫禁寒隨塵驚九衢客故緒珂滴灑青驪

季夏

范燈

江南季夏天身熱汗如泉蚊蚋成雷澤袈裟作水田

香山避暑

白居易

六月灘聲如猛雨香山樓北暢師房夜深起凭闌千立滿耳潺湲滿面涼

晚夏歸別業

張祐

古岸扁舟晚荒園一徑微鳥啼新果熟花落故人稀宿潤侵苔甃斜陽照竹扉相逢盡鄉老無復話時機

六月

趙璘

六月火雲散蟬聲鳴樹梢秋風豈便借客思已蕭條傾國三年別煙霞一路遙行人斷消息更上灞陵橋

季夏逢朝客

于漬

澹水桃李熟杜曲芙蓉老九天休沐歸腰玉垂楊道

避路迴綺羅迎風嘶驟裏豈知山谷中日日吹瑤草

六月十三日上陳徵博士 唐彥謙

驕雲飛散雨隨風爲有無老農終歲心望施在須臾

六月十七日名對 韓偓

清暑簾開散異香思深咫尺對龍章花應洞裏常時
發日向壺中特地長坐久忽疑槎犯斗歸來兼恐海
生桑如今冷笑東方朔唯用詠諧侍漢皇

六月六日雨後過嶽廟遊從封寺觀稼 宋韓琦

暑雨頻經信宿休近郊方出釋潛憂雖妨麥始二停
獲且見苗知一半收神嶽怖民藏電雹老松憑寺偃
蛟虬佳遊况遇從豐識好餉千倉待有秋

西湖 蘇軾

畢竟西湖六月中風光不與四時同接天蓮葉無窮
碧映日荷花別樣紅

六月二十日渡海 前人

參差斗轉欲三更苦雨終風也解晴雲散月明誰點
綴天容海色本澄清空餘魯叟乘桴意粗識軒轅奏
樂聲九死南荒吾不恨茲遊奇絕冠平生

六月二十七日望湖樓 前人

烏菱白芡不論錢亂繫青菰裹綠盤忽憶嘗新會靈
觀滯留江海得加餐

夏季 晁補之

夏季百果繁免葵亦成實獨有野石榴幽花時媚媚
媚媚非獨好芳榮賴午日翩翩彼白蜨髣髴蠶采把
睡餘起對此嘉興亦蕭瑟良非阡陌麗競競陽春出
無言以成蹊上愧桃李實幸當飽霜餘萬類富君室

六月五日池上 晁說之

蒼然暮色來初月光尚微河漢亦不高仰看天四垂
衆星亦何多繁若天圍若忽驚毛骨清涼露我衣
放杯折荷花中有千丈絲織爲芙蓉裳可作江湖歸
自梅越汀行小路境境危甚六月十一日宿金

沙寺 李綱

觸熱過梅川境格鳥道邊林深晴有霧土曠晝稀煙
略約橫溪小藍輿礙石偏亂蟬鳴翳蒼鬱澗瀉潺湲
閭嶺雖近止江鄉猶渺然何曾愁瘴癘祇是性危顛
借問勞形役何如穩晏眠遭時正艱棘賦分自邇遼
已幸生還里寧辭險著鞭夜涼樓野寺相對月嬋娟

夏夜 陳與義

幽隱報夕霽微月在屋檣手中白羽扇共此夜寥寥
六月天正碧三更樹微搖緬懷山中景茲夕感路遙
長嘯送行雲可望不可招夜闌林光發白露瀟長條

六月七日夜起坐嚴廡取涼 范成大

畏暑中夜起出門月露清晶熒臥銀漢錯落低玉繩
網戶閉妙香石樓樓古燈燈從何處來殿閣微涼生
桂旗儼不動漢井森上征樓相共笑兀鬼物相支撐
彭觥鐵拄杖磔磔橫燕驚俗人豈解事鼻息春雷鳴
大星送曉來四聰炯微明顯氣澡肌骨栩栩兩腋輕
乘風欲歸去騷騷狂青冥却恐方平知浪得狡獪名

六月一日曉賦 陸游

視夜明星高蟬聲滿庭樹殘骸幸差健散髮穿兩屨
巖扉手自開曳杖得徐步碧瓦浮青烟圓荷瀉殘露
草木無俗姿難大共幽趣兒來問晨炊一笑揮使去
六月十五日詣水公菴雨作 朱熹

雲起欲爲雨中川分晦明縹緲橫嶺斷已覺疎林鳴

空際早塵滅虛堂涼思生頽簷滴瀝餘忽作流泉傾
況此高人居住地偏樹景清芳馨雜峭崿俯仰同鮮榮
我來偶茲適中懷澹無營歸路綠泱泱因之想巖耕

夏日 前人

季夏園木暗隱戶貯清陰長風一掩再衆綠何蕭穆
玩此消未盡冷然滌胸襟俯仰無所爲聊復得此心

六月歸途 徐璣

星明殘照數峯晴夜靜惟聞木有聲六月行人須早
起一天涼露濕衣輕宦情每向途中薄詩句多於馬
上成故里諸公應念我稻花香裏計歸程

大熱 戴復古

天地一大竈陽炭烹六月萬物此陶鎔人何怨炎熱
君看百穀秋亦是暑中結田水沸如湯青汗濕如潑
農夫方夏耘安坐吾敢食

乙酉六月十一日雨 金元好問

一早近兩月河洛東連淮驕陽佐大火南風卷黃埃
草樹青欲乾四望令人哀時時怪事發雨雹如李梅
我夢天河翻崩騰走雲雷今日復何日駛雨東南來
元氣淋漓中焦卷意已迴良苗與新穎鬱鬱無邊涯
書生如老農苦樂與之偕閭閻聞古語一笑心顏開
酉年酒如漿乾溢安能裁惟當作高原多具尊與疊
家人笑問我君田安在哉 歐陽修與同音

季夏書事 元陳天錫

歸夢繞滄洲胡爲此滯留雨收三伏暑風送一帆秋
汀樹層層出鹽花拍拍浮相思千里月人在海邊樓
山中景 釋英

六月山深處松風冷襲衣遙知城市裏撲面火塵飛
六月六日避暑佛殿讀書 明啟邁
獨抱遺經坐上方諸天風度葛衣涼蟬鳴草樹半山
靜松落雲花合殿香

夏夜獨坐披襟當風頗有秋意賦此寄懷

謝榛

散髮南樓夜倚然披素襟蛩聲依草際螢火落牆陰
老破當年夢秋生久客心遙思若石上坐聽美人琴

六月賣雪

顧開雍

蒼岷六月曉寒生雙鳳橋西賣雪聲銀梳盛來調蜜
咽冰魂淨洗齒牙清

清平樂

宋蔡伸

綠舟雙櫓六月臨平路小雨輕風消晚暑遠岸荷花
無數 玉人環枕方牀遙知待月西廂昨夜有情風
月今宵特地淒涼

浪淘沙

明陳繼儒

風雨霎時晴荷葉青青雙鬟捧著小紅燈報道綠紗
廊底下蕉月分明 枕簟嫩涼生茉莉香清蘭花新
吐百餘莖撲得流螢飛去也團扇多情

季夏部選句

梁簡文帝謝賁扇啓羣飛黃雀送六月之南風
北周庾信詩六月蟬鳴稻

唐王建詩六月晨亦熱卑居多煩昏

宋蘇軾詩遶郭荷花一千頃誰知六月下塘春

金張子羽詩雲橫故國三千別水遶孤村六月涼

元龔璘詩六月涼如冰熨齒枇杷移陰碧書几

季夏部紀事

路史陸終取鬼方氏曰嬪孕三年生子六人曰樊曰
惠連曰箴曰求言曰晏安曰季連以六月六日拆左

而三人生剖右而三人出 陸終彭祖之父

蘇納有莘氏女曰志是爲修己以六月六日屠鬻而
生禹子棘道之石紐鄉所謂剗兒坪

禮記明堂位季夏六月以禘禮祀周公于太廟

周禮地官稻人凡稼澤夏以水殄草而芟蕘之 訂鄭

錫曰稼於下地以去水爲先若夫稼澤則法又不同

澤者草之所生所以去草爲先盛夏水熱芟之芟之

以水殄之草不生則地可稼

左傳晉欒黶帥師從衛孫文子伐齊季武子如晉拜

師晉侯享之范宣子爲政賦黍苗季武子興再拜稽

首曰小國之仰大國也如百穀之仰膏雨焉若常膏

之其天下輯睦豈唯敝邑賦六月

漢書文帝本紀十三年六月詔曰農天下之本務莫

大焉今廛身從事而有租稅之賦是謂本末者無以

異也其於勸農之道未備其除田之租稅賜天下孤

寡布帛絮各有數

武帝本紀元朔五年夏六月詔太常議予博士弟子
崇鄉黨之化以厲賢材丞相弘請爲博士置弟子員
學者益廣

元符六年六月詔遣博士大等六人分循行天下存

問鰥寡廢疾無以自振業者貸與之論三老孝弟以

爲民師舉獨行之君子徵詣行在所朕嘉賢者樂知

其人廣宣厥道士有特招使者之任也 註設士有殊

才異行當特招者任在使者分別之

史記武帝本紀夏六月中汾陰巫錦爲民祠魏雁后

土營旁見地如鉤狀拊視得鼎鼎大異於衆鼎文鏤

無款識怪之言史吏告河東太守勝勝以聞天子使

使驗問乃以禮祠迎鼎至甘泉從行上薦之至中山

晏溫有黃雲蓋焉有應過上自射之因以祭云

漢書武帝本紀元封二年六月詔曰甘泉宮內中產

芝九莖連葉上帝博臨不異下房賜朕弘休其赦天

下賜雲陽都百戶牛酒作芝房之歌

昭帝本紀始元五年六月詔令三輔太常舉賢良各

二人郡國文學高第各一人

成帝本紀河平四年夏六月山陽火生石中改元爲

陽朔 註師古曰朔始也以火生石中言陽氣之始

平帝本紀元始元年六月封周公後公孫相如爲褒

魯侯孔子後孔均爲褒成侯奉其祀又置少府海丞

果丞各一人大司農部丞十三人各部一州勸農桑

後漢書光武本紀建武十五年六月詔下州郡檢覈

墾田頃畝及戶口年紀

韋彪傳彪因盛夏多寒上疏諫曰臣聞政化之本必

順陰陽伏見立夏以來當暑而寒殆以刑罰刻急郡國不奉時令之所致也

宋書符瑞志漢安帝延光二年六月嘉禾生九真百十六本七百六十八穗

後漢書順帝本紀陽嘉二年六月疏勒國獻師子封牛註師子似虎正黃有得彰尾端茸毛大如斗封牛其領上肉隆起若封然因以名之即今之峯牛

靈帝本紀光和三年六月詔公卿舉能通尚書毛詩左氏穀梁春秋各一人悉除議郎

晉書禮志魏文帝黃初二年六月庚子初禮五嶽四瀆咸秩羣祀瘞沉珪璧

魏志明帝本紀太和二年六月詔曰尊儒貴學王教之本也其高選博士才任侍中常侍者申勅郡國貢士以經學爲先

吳志華嚴傳寶鼎二年皓更營新宮制度弘廣飾以珠玉是時盛夏興工農守並廢數上疏諫曰臣省月令季夏之月不可舉大事今六月戊巳土行正王既不可犯加又農月時不可失今築宮爲長世之洪基而犯天地之大禁襲春秋之所書廢敬授之上務臣以愚管窺所未安

晉起居注太始二年六月嘉柰一帶十五實或七實生於酒泉郡

宋書符瑞志晉太康三年六月嘉瓜異體同蒂生洛陽王洛園

晉書武帝本紀太康四年六月增九卿禮秩

世說劉眞長始見王丞相時盛暑之月丞相以腹熨彈碁局曰何乃淘劉既出人問見王公如何劉曰未

見他異惟作吳語耳註吳人以冷爲淘也

宋書符瑞志晉孝武帝太元十四年寧州刺史費統上言所統管寧之滇池縣舊有河水周回二百餘里六月二十八日辛亥神馬二匹一白一黑忽出於河中去岸百步縣民董聰見之

禮志土王日祀中嶽嵩山於河南府中鎮霍山於晉州

符瑞志元嘉二十一年六月丙午華林園天淵池二蓮同幹

文帝本紀元嘉二十四年六月京邑疫癘丙戌使郡縣及營署部司普加履行給以醫藥

符瑞志元嘉二十五年六月壬寅嘉禾旅生華林園十株七百穗

索鹵傳其俗以六月末率大衆至陰山謂之却霜陰山去平城六百里深遠饒樹木霜雪未嘗釋蓋欲以暖氣却寒也

南史齊武帝本紀帝以宋元嘉二十七年六月己未生於建康縣之青溪宮將產之夕孝皇后昭皇后竝夢龍據屋故小字龍兒

梁高祖本紀帝性方正雖居小殿暗室恆理衣冠小坐暑月未嘗褻袒

隋書天文志梁武帝天監四年六月壬戌歲星晝見占曰歲色黃潤立竿影見大熟是歲大穰米斛三十

南史何遠傳武昌俗皆汲江水盛夏遠患水溫每以錢買人井寒水不取錢者則撻水還之

記事珠沈休文多病六月猶綿帽溫爐食薑椒飯不爾則委頓

梁陶弘景請雨詞序乙未夏六月旱不雨積旬與周子良共作詞朱書青紙於靜中泰之周夜夢一人相聞請雨應墨書請晴應朱書周乃作墨詞於庭壇自泰且天晴亦熱了無雨意至禺中風雲卒起便雨得好溜惟在一山周廻左右耳

北史魏明元帝本紀神瑞二年六月丁卯幸赤城親見長老問人疾苦復租一年南次石亭幸上谷問百年訪賢僑復田租之半壬申幸涿鹿登嶠山使以太牢祀黃帝唐堯廟己卯登廣甯之歷山以太牢祀舜廟帝親加禮焉

魏書靈徵志世祖太延元年自三月不雨至六月使有司遍請羣神數日大雨是日有婦人持玉印至潞縣侯孫家賣之孫家得印奇之求訪婦人莫知所在其文曰旱疫平寇天師曰龍文紐書云此神中三字印也

宣武帝本紀正始四年夏六月己丑朔詔曰朕纂承鴻緒君臨寶曆思模聖規述遵先志今天平地寧方隅無事可救有司準訪前式置國子立太學樹小學於四門

北史魏宣武帝本紀永平三年六月壬寅詔重求遺書於天下

魏書靈徵志肅宗正光三年六月并州靜林寺僧在陽邑城西橡谷掘藥得玉璧五珪十印一玉柱一玉蓋一竝以獻

洛陽伽藍記河東劉白墮善釀酒季夏時暑赫晞以甕貯酒曝日中經旬其酒不動飲之香美醉經月不醒朝貴遠相餉饋踰於千里以其遠至號曰鶴觴

第○二○冊 之○八葉

曆象彙編歲功典第五十五卷季夏部

古今圖書集成

古今圖書集成

古今圖書集成

古今圖書集成

古今圖書集成

古今圖書集成

古今圖書集成

古今圖書集成

古今圖書集成

古今圖書集成

王卻舍利記後魏大統七年六月十三日文皇帝生於同州般若寺中赤光照室紫氣滿庭狀如數閭色染人衣嫺母以時炎熱就而扇之寒甚幾絕困不能啼有神尼者名曰智仙諱太祖曰見天佛所佑勿憂尼遂名帝為卯羅延自為養之

隋書禮儀志後齊季夏讀令施御座於中楹南向以

其時之色服
北史齊趙郡王叔傳詔叔監築長城於時六月叔途中屏蓋扇親與軍人同勞苦定州先嘗藏冰長宋宋欽道以叔冒熱遣倍道送冰正遇炎盛咸謂一時之要叔對之歎曰三軍皆飲溫水吾何義獨進寒冰遂至消液竟不一嘗兵人感悅

錄異記武成三年庚午六月五日癸亥廣漢太守孟彥驥奏西湖有金龜徑寸遊於荷葉之上畫圖以上

隋書文帝本紀開皇四年六月壬子開渠自渭達河以通運漕

仁壽三年詔六月十三日是朕生日宜令海內為武

元皇帝元明皇后斷屠
禮儀志隋迎氣黃郊為壇國南安化門外道西去宮

十二里以季夏土王日祀其方之帝配以人帝以太祖武元帝配五官及星三辰十宿亦依其方從祀

中雷以季夏祀黃郊日命有司祭於廟西門道南牲以少牢

北史辛公義傳公義除岷州刺史土俗畏病父子夫妻不相看養公義分遣官人巡檢部內凡有疾病皆以牀輦來安置聽事暑月疫時病人或至數百聽廊

悉滿公義所得秩俸盡用市藥迎醫療之於是悉瘥諸病家子孫慙謝而去始相慈愛此風遂革合境之內呼為慈母

隋書西域傳康國立祖廟以六月祭之諸國皆來助祭

唐書禮樂志季夏土王之日祀黃帝以軒轅氏配鎮星后土氏之位如赤帝

百官志僕寺丞一人從七品上掌判寺事凡馬畜芻粟歲以季夏上於詹事以時出入而節其數

食貨志凡新附之戶夏以六月免課
唐會要貞觀十二年六月六日滁州言野蠶成繭徧於山阜

龍朔元年六月十七日吐火羅道置州縣使王名遠進西域圖記并請于闐以西波斯以東十六國分置都督府及州縣軍府仍於吐火羅國立碑以紀聖德從之

唐書高宗本紀龍朔二年六月癸亥禁宗戚獻纂組雕鏤

唐會要龍朔二年六月一日睿宗生於蓬萊宮含涼殿

大足元年六月九日於東都立德坊南穿新漕置諸租船

雍錄慈恩寺西院塔崇三百尺神龍後六月十五日進士開宴悉於塔下選同年中能書者題名其上張

莒實始為之遂成故事

唐會要景龍二年六月十五日黃龍再見於伏牛山開元二年六月四日右拾遺蔡孚獻龍池篇公卿以

下百三十篇付太常寺考其詞合音律者為龍池樂章

開元二年六月甲子制茂才異等咸令自舉

開元十年六月二日上注孝經頒行天下及國子學

開元二十九年六月十九日太常奏東封泰山日所定雅樂曰元和六變以降天神順和八變以降地祇

皇帝行用太和其封泰山也登歌奠玉幣用肅和迎組用雍和酌飲福用福和送文迎武用舒和亞終獻用凱和送神用元和禪社首用順和享廟迎神用水和

玉海天寶五載六月十一日改聖書為寶書

異聞錄天寶七載秦中大旱自三月不雨至六月帝親幸龍堂祈之不應問昊天觀道士葉法善曰朕敬事神靈以安百姓今亢陽如此朕甚憂之親臨祈禱

不雨何也卿見真龍否乎對曰臣亦曾見真龍臣聞書龍四肢骨節一處得似真龍即便有感應用以祈禱則雨立降所以未靈驗者或不類真龍耳帝即詔中使孫知古引法善於內庫徧視之忽見此鏡遂還

奏曰此鏡龍真龍也帝幸凝陰殿并召法善祈鏡龍頃刻間見殿棟有白氣兩道下近鏡龍龍鼻亦有白氣上近梁棟須臾充滿殿庭徧散城內甘雨大澍凡

七日而止秦中大熟帝詔賢待詔吳道子圖寫鏡龍以賜法善

唐會要天寶十三載六月二十七日加老子號大聖

祖高上大道金闕元元天皇大帝

楊太真外傳天寶十四載六月一日上幸華清宮乃貴妃生日上命小部音聲小部者梨園法部所置凡